

www.BibleForChildren.org

San Mateo 8



Mboapi ara rupi metei cuimbae omenda cuñatai ndive
Caná Galilea pegua pe, jare Jesús ichĩ oi joco pe.
Jare oparea reta vi Jesús jare jemimboe reta pe.



Vino opa ma yave, Jesús ichi jei Jesús pe: —Opa ma vino. Jayave Jesús ichi jei joco pe oyeócuai vae reta pe: —Peyapo omombeuta peve vae.



Jesús jei tembiócuai reta pe: —Pemotinie
cavi iriru reta i pe. Jayave jae reta
omotinie cavi. Jesús jei ye chupe reta:
—Añave peñoer peraja peruvicha pe.
Jayave jocorai oyapo reta.



Tembiócuai reta juvicha jou jocuae ì vinora oyeapo
vae. Jae mbaeti oicuaa quia güi ra ou jocuae jou vae,
erei jembiócuai reta oicuaa
catu quia güi co oño.
Jayave mburuvicha oeni
cuimbae omenda vae.



—Opaete iru vae reta omee vino icavi vae rani
mboupa reta pe. Jayave jeta vino jou yave ramo omee
chupe reta vino mbaeti
icavi mbatee vae —jei
chupe—. Erei nde
añave ramo remee
vino icavi yae vae —jei.





Jesús cuae oyapo Caná Galilea pegua pe. Corai Jesús
omboĩpi oicuauca jemimboe reta pe
jae imbaepuere tuicha yae
co. Jare cuae oyapo vae
jeco pegua jemimboe reta
güirovia jese.



Jare Jesús oique Pedro jo pe yave,
oecha Pedro jaicho oñeno oi jupa
pe jacu oi rambue.



Jayave Jesús oipopi jare jacu opita chugüi. Jayave
cuña opúa jare omee mbae jou reta vaera.



Jare cuaraĩ oique ma yave, tenta pegua reta güeru
Jesús piri opaete imbaerasi vae reta jare aña oya jese
vae reta. Jare opaete
tenta pegua reta
oñemboati jocuae
o jonque pe.



Jayave Jesús ombogüera jeta imbaerasi vae reta
oipotagüe mbaerasi güi, jare omondo jeta aña reta oya
jese vae reta güi. Jare mbaeti omaeño aña reta imiari
vaera. Echa jae reta oicuaa quia co jae.



Jare opaete vae oipota oyaviqui Jesús. Echa jae güinoi mbaepuere ombogüera vaera opaete imbaerasi vae reta.



Jayave amogüe yogüeru vae reta güeru metei
cuimbae imbaerasi vae. Cuae cuimbae mbaeti
ipuere omii. Oyevoiuca ou irundi cuimbae reta pe.



Erei güeru vae reta mbaeti ipuere
güiroique cuimbae Jesús oia pe
yati vae reta jeco pegua. Jae
rambue oyeupi reta ovapia
re jare oequi mbovi ovapia
güi Jesús
iárambue.



Jare oequi ma yave, ombogüeyi
reta cuimbae mbaeti ipuere omii
vae jupa reve.




Jesús cuae oecha yave, oicuaa jae reta güirovia co
jese, jare jei cuimbae mbaeti
ipuerere omi vae pe:
—Nembaeyoa reta
oñemboai ma,
cherivi. —Che jae
ndeve: Epúa evoi
nderupa, jare ecua
ndero pe.



Jayave Jesús oyeupi chalana pe jare jemimboe reta vi
oyeupi pipe. Jare ou ivitu tanta
oyepeyu, jare iaparúa oñeñoña
chalana pe, jare omotinie seri
ma. Erei Jesús oque oi.



Jayave Jesús jei chupe reta: —¿Maera pa pequiye?
Michi yae co peporogüirovia —jei. Jayave opúa jare
oñeengata ivitu jare i pe. Jare opaete quirii. Jare
Jesús jemimboe reta ipiacañi jare jei:
—¿Mbae nunga cuimbae ra
cuae? Ivitu jare i
guasu oyapo
oyocuaigüe.



Echa Tumpa oaiu yae ivi pegua reta.
Jae rambue omee Tai jae vaeño,
oipotagüe güirovia jese vae güinoi
vaera tecove opa mbae vae.
Ngaraa ojo cañitei pe.



Romanos 3:23 Echa opaete vae iyoa vae reta co. Tumpa mbaeti ipuere jei metei ave re: “Cuae co jae jupi vae”.

Romanos 6:23 Echa mbaeyoa oyapo vae omanota co. Erei mbota Tumpa omee ñandeve ñandeYa Cristo Jesús rupi vae tecove opa mbae vae co.

Hebreos 9:27 tvi pegua ñavo omano, ou ovae yave ara omano vaera. Jare omano güire Tumpa ojaata co.

Efesios 2:8,9 Echa Tumpa ñanemboasa ipiacavi jeco pegua, yaporogüirovia rambue. Ñande mbaeti etei ñamongana ñemboasa. Jae co Tumpa ñanembopota pipe vae.

Mbaeti quia ipuere omongana ñemboasa oipotagüe mbaraviqui rupi, agüiye vaera quia ipuere jei: “Cheparaviqui rupi co amongana ñemboasa”.



Romanos 10:9,10 Nde rere yave: “Jesús co jae cheYa”,
jare rerovia yave ndepia pe Tumpa omoingove ye co
Jesús güeru omanogüe vae reta ipite güi,
reñemboasaucata co.

Echa ndepia pe rerovia yave, reñembojupiucata co, jare
rere yave: “Jesús co jae cheYa”, reñemboasaucata co.

San Juan 3:16,17 Echa Tumpa oaiu yae ivi pegua reta.
Jae rambue omee Tai jae vaeño, oipotagüe güirovia jese
vae güinoi vaera tecove opa mbae vae. Ngaraa ojo
cañitei pe.

Tumpa ombou Tai ivi pe, ivi pegua reta oñemboasauca
vaera jae jeco pegua. Tai mbaeti ou ojaa vaera
ivi pegua reta.



1 Juan 5:11-13 Jare Tumpa omombeu ñandevera cuare: Jare
omere ñandevera tereve opa mbae vare. Oime ñanoi cuare
tereve opa mbae vare Tumpa Tai re yarevia rambue.
Tumpa Tai güinoi ipia pe vare oime güinoi tereve opa
mbae vare. Tumpa Tai mbaeti güinoi ipia pe vare mbaeti
güinoi tereve opa mbae vare.
Pe reta perovia Tumpa Tai jee re. Jare rambue aicuatía
cuare peve peicuaa vaira penoi co tereve opa mbae vare.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Guaran Eastern NT (gui) © 2012, Wycliffe Bible Translators,
Inc. All rights reserved.

<https://www.bible.com/bible/590/MAT.1.GUI>

©2026 Bible for Children, Inc.

www.M1914.org

www.bibleforchildren.org

